



R. br. 848-04b/2013

**VLADA REPUBLIKE SRBIJE
Ministarstvo prosvjete, nauke i
tehnolškog razvoja
Prof. dr. Tomislav Jovanović, ministar**

Nemanjina 24
11000 Beograd

**PREDMET: Zahtjev za razrješenje stanja u pojedinim srednjoškolskim
obrazovnim ustanovama u Novom Pazaru, Tutinu i Sjenici, a koje je vezano
za odvijanje nastave na bosanskom jeziku**

Poštovani gospodine ministre,

Podsjećam Vas da je nastava na bosanskom jeziku otpočela 2. septembra, 2013. godine u osnovnim školama u Tutinu, Sjenici i Novom Pazaru i ta nastava se odvija bez problema, dok se u gimnazijama odvija na dva načina što nije u skladu sa Zakonom o srednjem obrazovanju. Naime, u gimnaziji u Tutinu su na osnovu opredjeljivanja roditelja formirana četiri odjeljenja za nastavu na bosanskom jeziku i u toj školi se nastava odvija od 2. septembra, 2013. godine.

U gimnazijama u Novom Pazaru i Sjenici nastava nije otpočela jer direktori ovih obrazovno-vaspitnih ustanova odbijaju da omoguće ostvarivanje prava Bošnjaka na obrazovanje na maternjem jeziku. Za nastavu na bosanskom jeziku u gimnaziji Tutin se izjasnilo 105 učenika, u gimnaziji Novi Pazar se izjasnio 141 učenik, a u Sjenici 81 učenik po podacima koji su dobijeni iz tih obrazovno-vaspitnih ustanova.

U skladu sa Zakonom o srednjem obrazovanju i vaspitanju „Sl.glasnik“ 55/2013. član 5 st. 2 jasno je definisano da se za pripadnike nacionalne manjine obrazovno-vaspitni rad ostvaruje i na jeziku i pismu nacionalne manjine ako se prilikom upisa u prvi razred za to opredijeli najmanje 15 učenika. Svakako da su brojke 141, 105 i 81 veće od 15, te od vas zahtjevamo da što hitnije omogućite u skladu sa Zakonom pravo na obrazovanje bošnjačke nacionalne manjine na svom maternjem jeziku.

Obrazloženje da nastava na bosanskom jeziku u srednjim školama nije predviđena Konkursom ne stoji, jer iako Zakon u članu 36 st. 3 predviđa da konkurs sadrži obavještenje o jeziku na kome se ostvaruje obrazovno-vaspitni rad. Podsjećamo Vas da je obaveza Ministarstva prosvjete, nauke i tehnološkog razvoja Republike Srbije bila da u Konkursu uvrsti i bosanski jezik i da zbog toga propusta ne mogu trpjeti djeca koja su se izjasnila da slušaju nastavu na bosanskom jeziku. Ujedno vas podsjećamo da je prilikom upisa učenika u srednje škole u Srbiji kada je nastava na srpskom jeziku prekršen Zakon o osnovama obrazovanja jer član 74 st. 1 i st. 2 propisuju obavezu završnog ispita kao uslov upisa u srednju školu.



Bošnjačko nacionalno vijeće
Bosniac National Council
Национални савет босњачке националне мањине

U Službenom glasniku Republike Srbije broj 4/13 objavljen je Pravilnik za Nastavni plan i program za bosanski jezik i književnost za gimnazije; objavljen je Plan udžbenika i odobren udžbenik za prvi razred gimnazije Čitanka za bosanski jezik i književnost rješenjem Ministra prosvjete, ujedno je odobren uvoz udžbenika za srednje škole za nastavu na bosanskom jeziku za prvi razred srednje škole, a objavljen je i Pravilnik o vrstama stručne spreme nastavnika koji mogu predavati predmet bosanski jezik i književnost u gimnazijama.

Kako u gimnazijama u Sjenici, Novom Pazaru i Tutinu nema prostornih problema, postoji odgovarajući broj učenika koji su se opredijelili za nastavu na bosanskom jeziku i u ovoj fazi nije potrebno angažovanje novih nastavnika, smatramo da su se stekli svi zakonski uslovi za početak nastave na bosanskom jeziku.

Poštovani ministre, molim Vas da uputite dopis direktorima gimnazija u Novom Pazaru, Tutinu i Sjenici, da u skladu sa zakonom i izraženoj volji roditelja omoguće učenicima pohađanje nastave na bosanskom jeziku.

S poštovanjem,

U Novom Pazaru,
17.9.2013. godine

Predsjednik Vijeća
Esad Džudžević, dipl. sociolog